

IA 2019

Aningaasaqarnermut Nunanilu Avannerlenni suleqatigiinnermut Naalakkersuisoq - Suliassa qarfik 20 – 24

Uunga Konto pingaarneq 20.01.11 Nuna tamakkerlugu pilersaarusionerq

Oqaasertaliussassat uku ilanngunneqarnissaat qinnutigineqarpoq:

”Naalakkersuisut piginnaatinneqarput konto pingaarnermi matumani aningaasanik atunngitsuukkanik ukiumut aningaasanut inatsiseqarfiusumut tullermit nuussinissamut.”

Nuna tamakkerlugu pilersaarusionerq pillugu konto pingaarnermut 20.01.11-mut nassuiaatit

Oqaasertaliussanut nassuiaatit uku ilanngunneqassasat qinnutigineqarpoq:

"Aningaasaliissutit naapertuuttumik atorneqarnissaat qularnaarniarlugu Naalakkersuisut aningaasanik ukiumut aningaasanut inatsiseqarfiusumut tullermit nuussinissamut tunngavissaqarnissaat oqaasertaliussatigut qularnaarneqarpoq.

Konto pingaarnermi matumani 2 mio. kr.-nik atugassanngortitsinermit atatillugu oqaasertaliussat ilanngunneqarput, aningaasat atorneqassapput satellit atorlugu Kalaallit Nunaata nutaamik assiliorneqarnissaanut ukiumi pingasuni suliaqartussamik atorfinitsitsinissamut. Oqaasertaliussaq naapertorlugu suliassamik suliaqartussamik atorfinitsitsinermit aningaasat atorneqartussat ukiumut aningaasanut inatsiseqarfiusumut tullermit nuunneqarsinnaapput.

Oqaasertaliussat nutaajupput.”

Aningaasaqarnermut Akileraartarnermullu Ataatsimiititaliamit akuerineqartoq ulloq 12-06-2019, suliap nr. 19-841.

Isumaginninnermut Inatsisinillu Atuutsitsinermit Naalakkersuisoq - Suliassa qarfik 30

Kontumut pingaarnermut 30.10.49 Sumiginnaasarneq akiorniarlugu isumaginninnikkut suliniutit

Kontumut pingaarnermit nutaamut matumunnga oqaasertaliussat tullinnguuttut ilanngunniarneqarput:

“Kontumi pingaarnermi, 30.10.49 Sumiginnaasarneq akiorniarlugu isumaginninnikkut suliniutit, atuinikinnerussutinik aningaasanut inatsiseqarfiusup tullissaanut nuussinissamik Naalakkersuisut piginnaatinneqarput.”

Ilanngussaq 2, oqaasertaliussat kiisalu oqaasertaliussanut nassuiaatit

Kontumut pingaarnermut, 30.10.49-imut Sumiginnaasarneq akiorniarlugu isumaginninnikkut suliniutit, nassuiaatit

Oqaasertaliussanut nassuiaatit tullinnguuttut kontumut pingaarnermut nutaamut matumunnga ilanngunniarneqarput:

”Naalakkersuisut aningaasaliissutit atorluarneqarnerunissaat qulakkeerniarlugu ukiut aningaasaliiviusut akornanni aningaasanik nuussinissaminnut tunngavissinneqarnissaat oqaasertaliussatigut qulakkeerneqarpoq.

Oqaasertaliussat nutaajupput.”

Aningaasaqarnermut Akileraartarnermullu Ataatsimiititaliamit akuerineqartoq ulloq 18-12-2019, suliap normua 19-858.

Sanaartornermut suliassaqarfik - Suliassaqarfik 80 – 89

Kontumut pingaarnermut 87.75.01 Pinngortitalerivimmumt umiarsuaq nutaaq

AI2019-imi kontumut pingaarnermut matumunnga oqaasertaliussaq nassuiaatillu tassunga atasut peerneqassasut qinnutigineqarpoq aammalu oqaasertaliussaq manna 2019-imut ilassutitut aningaasaliissutitut inatsisissatut siunnersuummi kontumi pingaarnermi matumani ilanngunneqassasooq qinnutigineqarpoq:

”Pinngortitalerivimmumt umiarsuarmik nutaamik kingusinnerpaamik 2021-imi tunniunneqartussanngorlugu pisinissaq pillugu utaqqiisaasumik inaarutaasumillu isumaqatigiissutitut, ilanngullugu aaqquissuussineq ”new spanish tax lease”-mik taaneqartartoq atorlugu, aningaasaqarnikkut killissaliussat 235 mio. koruuniusut iluanni isumaqatiginninniarnert isumaqatigiissuteqarnerillu ingerlanneqarnissaannut Naalakkersuisut piginnaatinneqarput. Aningaasaateqarfik namminersortoq 15 mio. koruuninik tapersiinnissamik neriorsuuteqarpoq, taamaattumik Nunap karsianut aningaasartuutissat ataatsimut katillugit 220 mio. koruuniussasut naatsorsuutigineqarpoq. Aningaasaateqarfimmit tapersiissutit kontup pingaarnerpum matuma ataani isertitatut allanneqassapput.

Aningaasaliissutit iluanni tamatumunnga atatillugu siunnersortitut avataaneersunut 700.000 koruunit tikillugit atorneqarsinnaapput.”

Kontumut pingaarnermut 87.75.01 Pinngortitalerivimmumt umiarsuaq nutaaq, nassuiaatit

AI2019-imi kontumut pingaarnermut matumunnga oqaasertaliussamut nassuiaatit peerneqassasut qinnutigineqarpoq aammalu nassuiaatit makkua 2019-imut ilassutitut aningaasaliissutitut inatsisissatut siunnersuummi kontumi pingaarnermi matumani ilanngunneqassasut qinnutigineqarput:

Ilanngussaq 2, oqaasertaliussat kiisalu oqaasertaliussanut nassuiaatit

”Pinngortitaleriffimmut umiarsuarmik nutaamik pisinissamut atatillugu neqeroortitsisoqarpoq. Taamaattumik Pinngortitalerivimmud umiarsuarmik nutaamik pisinissaq pillugu isumaqatigiissuteqarnissamut Naalakkersuisut piginnaatinneqarput.

Oqaasertaliussap matuma ilanngunneqarnerani Pinngortitalerivimmud umiarsuarmik nutaamik kingusinnerpaamik 2021-imi tunniussinissaq pillugu aningaasaliissutinut killiliussat 235 mio. koruunit iluanni isumaqatigiissuteqarnissamut Naalakkersuisut piginnaatinneqarput. Taamaallit taakkua 200 mio. koruuninit AI2019-imi kontup pingaernerup matuma ataani suliassamut immikkoortinneqartunit 35 mio. koruuninit annertunerupput.

Ilanngunneqassaaq aningaasaateqarfii namminersortut teknikkikkut atortunut tapersiisinnaanerannik aperineqarsimammata, aammalu atortunut 15 mio. koruuninik aningaasaateqarfimmit tapersiinissaq pillugu neriorsuuteqartoqarluni. Aningaasaateqarfimmit aningaasassanuk, umiarsuarmut aningaasassat pisariaqartut sinneri pissarsiarineqassasut, tamatumalu Kalaallit Nunaanni ilisimatusarneq pilliutigineqassanngitsoq, piumasaaqatigineqartussaavoq. Oqaasertaliussap matuma ilanngunneqarnerani katillugit 235 mio. koruunit angullugit umiarsuarmut isumaqatigiissuteqartoqarsinnaalissaaq. Aningaasaateqarfimmit tapersiinissamut 15 mio. koruuninik neriorsuuteqartoqarnerani aammalu AI2019-imi suliassamut 200 mio. koruunit immikkoortinneqarmata, aningaasaliinissamut pisariaqartitsinermi amigaatigineqartut 20 mio. koruunit angullugit annertussuseqassasooq naatsorsuutigineqarpoq, taakkualu AIS forventes indarbejdet i FFL2020-imi ilanngunneqassasut naatsorsuutigineqarpoq, taamaallit aningaasatigut killissaliussat katillugit 235 mio. koruuniulissallit.

Isumaqatigiissuteqarnermi Namminersorlutik Oqartussanut suna iluaqutaanerpaasussatut ataatsimoortumik isigineqarnersoq, pingaartinneqassaaq. Tamatumu nalilersorneqarnerani minnerunngitsumik aningaasaqarnermut tunngasut pingaarteqartorujussuusussapput, kisianni aamma suliaqarnerup ingerlanneqartup pitsaassusaanut, piffissaq eqqorlugu qularnaanneranut il.il. tunngasut aamma nalilersuineri ilaatinneqarsinnaapput.

Piginnaatitsissuteqarnermi ilaatigut, tamanna aningaasaqarnikkut taamatullu umiarsuup teknikkitaannut tamanna iluaqutaassasooq paasinarsissappat, Naalakkersuisut isumaqatigiissutinik il.il. aaqqissuusinerimik ”new spanish tax lease”-mik taaneqartartumik atuinissamut piumasaaqataasunik, isumaqatigiissuteqarnissamut periarfissaqassapput. Periaatsimi kajumissuseqalersitsinissamut aaqqissuusineq Spanien-imi naalagaaffimmit pilersinneqartoq aallaavigineqarpoq, tassani aningaasaliisup namminersortup umiarsuani, umiarsuup sanaartorneqalereernerani aningaasalersuutissanik attartornermi, aningaasalersorneqartuni nalikilliliinissaq periarfissaqalertarpoq. Tassunga ilanngutissaaq, piumasaaqatit erseqqinnerusut naammassineqarsimappata, tamatumu kingorna umiarsuup tunineqarnerani Spanien-imi nalikilliliinerit pissarsiareqqinneqartut akileraaruserneqartussaannimmata. Spanien-imi akileraartarnermut inatsimmi putumik atorluaniarnissaq tassani pineqanngilaq, kisianni Spanien-imi

Ilanngussaq 2, oqaasertaliussat kiisalu oqaasertaliussanut nassuiaatit

inatsisiliortut tungaanniit, Spanien-imi amutsivinni suliaqarnerit tapersersorniarlugit, aaqqissuunneqarluni. Taamaaliornermi pisinermi akigititami 15-20 procentinik annertussuseqartunik sipaaruteqarnissaq naatsorsuutigineqarsinnaavoq.

Kalaallit Nunaanni Akileraartarnermut Aqutsisoqarfik nunatsinni maani atugassamik umiarsuarmik umiarsuaatillip pisinissaanut tunngatillugu, aaqqissuussamik atuinissamut akerliliissuteqaanngilaq. Aaqqissuussineq taamaattumik nunatsinni maani umiarsuaatilinnit namminersortunit pisortanillu arlalinnit atorneqareerpoq.

Oqaasertaliussaq nutaajuvoq.”

Aningaasaqarnermut Akileraartarnermullu Ataatsimiititaliamit ulloq 21-02-2019, suliaq nr. 19-833 akuerineqarpoq.

Kontomut pingaarnermut 89.72.12 Inissialiassat taartissanillu

AI2019-imi kontomut pingaarnermut matumunnga oqaasertaliussat, tassungalu oqaaseqaatit peerneqarnissaat, aammalu 2019-imut ilassutitut aningaasaliissutinut inatsisissamut siunnersuummi kontomut pingaarnermut matumunnga oqaasertaliussat uku ilanngunneqarnissaat qinnuteqaatigineqarpoq:

”Suliniuummi, 340.39.041 Ulersuarnerup kingornagut illutaartitseqqinneq, aningaasaliissutit atugassanngortinnerannut atatillugu Illorsuarni Nuugaatsiamilu innuttaasunut piaartumik annaanneqarsimasunut pingaarnertut nunaqarfinni isorliunerusunilu inissianik pissarsiniarnissanut taarsigassarsititsinissamut Naalakkersuisut piginnaatinneqarput, Illunut sanaqataaffiusunut taarsigassarsiat pillugit Inatsisartut inatsisaat nr. 28, 3. december 2018-imeersoq malillugu Illorsuarnit Nuugaatsiamillu innuttaasut nuutsinneqartut illunut sanaqataaffiusunut taarsigassarsiat amerlaqataannik, tamatumani apeqqutaatinneqarnani illulioqataasut namminneq akileeqataanatit illu nutaamik sananeqarneris, siunertamut pisiarineqarneris imaluunniit Namminersorlutik Oqartussat ilaqutariinnut ataatsinut illuutigineraat.

Aammattaaq Naalakkersuisut kommuninut inissianik Illorsuarnit Nuugaatsiamillu nuutsinneqartunut atugassatut kommunimut tunniussinissamut piginnaatinneqarput, apeqqutaatinnagu illu nutaamik sanaajunersaq, siunertamut pisiarineqarneris imaluunniit Namminersorlutik Oqartussat ilaqutariinnut ataatsinut illuutigineraat. Kommuni inissianik tunniussissappat sanaqataasq nammineq siumut akileeqataanngikkaluartoq Illunut sanaqataaffiusunut taarsigassarsiat pillugit Inatsisartut inatsisaat nr. 28, 3. december 2018-imeersoq malillugu nunaqarfinni isorliunerusunilu inissiamik pissarsinissamut kommuni taarsigassarsitsissaaq.

Taarsigassarsititsinermi illumik nutaamik sananermi sananeqarnerata akia tamarmiusoq imaluunniit illumik pioreersumik pisinermi imaluunniit illumik pisinermi niuerfinni naligitinneqartut tunniunneqassapput, iluarsaanissarlu pisariaqarsimappat ilanngullugu. Taamaaliornermi illumik

Ilanngussaq 2, oqaasertaliussat kiisalu oqaasertaliussanut nassuiaatit

piginnittup nammineerluni aningaasalersuinissaa pillugu piumasagaatip atorneerutsinnissaanut Naalakkersuisut piginnaatinneqarput.”

Kotomut pingaarnermut 89.72.12 Inissialiassat taartissanillu inissialiortiterneq oqaaseqaatit

AI2019-imi kotomut pingaarnermut matumunnga oqaaseqaatinut oqaasertaliussat peerneqarnissaat, aammalu 2019-imut ilassutitut aningaasaliissutinut inatsisissamut siunnersuummi kotomut pingaarnermut matumunnga oqaasertaliussat uku ilanngunneqarnissaat qinnuteqaatigineqarpoq:

”Naalakkersuisut illunik ilaqutariinnut ataatsinut inissianik sanasinnaapput, pisisinnaapput iluarsaassisinnaallutillu, tamatuma kingorna innuttaasunut, Illorsuarniit Nuugaatsiamiillu nuutsinneqartut siunissami sumiiffimmi najugaqarfigerusutaminni namminneerlutik inissiamik pisisinnaatinnagit attartorsinnaatinnagillu tunniunneqartussanik. Tunniussinermi illunut sanaqataaffiusunut taarsigassarsiat pillugit Inatsisartut inatsisaanni nr. 28-mi, 3. december 2018-imeersumi allassimasutut erniaqanngitsunik akilersugassaannngitsunillu taarsigassarsititsisoqassaaq.

Naalakkersuisut kommuninut isumaqatigiissuteqareerlutik illut ilaqutariinnut ataatsinut inissiat namminneq pigisassatut sananeqartut, pisiarineqartut iluarsanneqartullu tamakkiisumik kommunimut tunniussinavaai, tamatumalu kingorna kommuni illunut sanaqataaffiusunut taarsigassarsiat pillugit Inatsisartut inatsisaanni nr. 28-mi, 3. december 2018-imeersumi allassimasutut Illorsuarniit Nuugaatsiamiillu innuttaasunut nuutsinneqartunut erniaqanngitsunik taarsersugassaannngitsunillu taarsimagassarsititsissapput. Tamatumani ineqarnermik aaqqissuusseqqinneq, inissianik kommuninut tunniussiviusoq malinneqassaaq. Tassalu illunut sanaqataaffiusunut taarsigassarsiat pillugit Inatsisartut inatsisaat nr. 28, 3. december 2018-imeersoq nutaaq malillugu sanaqateqarluni illuliortussanut taarsigassarsititsisoqassaaq.

Naalakkersuisut kommunelu sanaartornermut aningaasartuutitut tamarmiusunut imaluunniit pisiarineqartup niuerfinni nalinganut imaluunniit ilaqutariinnut illuliap pioreersup nalinganut ataatsimut taarsigassarsititsinissamut piginnaatinneqarput. Taamaalisogarnerani innuttaasoq nammineerluni siumut akiliuteqartinneqassanngilaq. Taarsigassarsiaritinneqartutaaq Illunut sanaqataaffiusunut taarsigassarsiat pillugit Inatsisartut inatsisaanni nr. 28, 3. december 2018-imeersumi taarsigassarsinissamut piumasagaatinut pioreersunut ilaapput, tassa imaappoq taarsigassarsiat inissiap qularnaveeqqusiunneqarneratigut qularnaarneqassapput ukiunilu 20-ni assigiiaartumik nalikilliliineqassallutik.

Immikkut aaqqiissuteqarneq siuliani taaneqartoq taamaallaat Ummannap eqqaani 2017-imi juunimi ulussaarsuaqarneratigut toqqaannartumik eqqugaasunut Illorsuarmi Nuugaatsiami innuttaasunut atuutsinneqassapput.

Oqaasertaliussat AI2019-imit iluarsillugit ingerlateqqitaapput.”

Aningaasaqarnermut Akileraartarnermullu Ataatsimiititaliamit akuerineqartoq, ulloq 11-07-2019, suliaq nr. 19-845.